

MIZIWE GAA-IZHI-NAKWETANG GAANA-DA IWE GOOBID-19 AAKOZIWIN

Apii gaa-mookishkaamagak iwe oshki-aakoziwin Mino-ayawin Gaa-naagajitood omaa Gaanada Akiing gaye Akiikaaning, gagwe-wiidanokiimidiwag ji-gagwe-gibitinigaadeg iwe oshki-aakoziwin gaye gaawiin aapiji ji-onji-gichi-aakozisigwaa awiyag – memindage igi gaa-aakoziwaadiziwaad – gaye mino-ayaawining.

Owe nindizhichigemin ji-ozhiitaayaang gaye ji-nakwetamaang:



MASHKIKII-NANAANDO-GIKENJIGEWIN

Nindaabajitoomin noongom gaa-aabajichig-aadeg ji-ozhichigaadeg aaniin ge-onji-giken-daagwak awenen eyaad iwe GOOBID-19.



WAABANJIGEWIN

Da-gikenjigaade awenen eyaad iwe aakoziwin gaye awenena' gaa-megwaashkawaawaad gaye aaniin ezhi-aazhoo'iding dazhiikewining ji-gikendaagwak aaniin ge-izhichigeng.



NANAANDO-GIKENJIGEWIN

Ndagwiimin miziwe akiing nawach babenak ji-gikenjigaadeg ezhiseg iwe oshki-aakoziwin GOOBID-19 ji-ozhichigaadegin ge-onji-giken-jigaadeg awenen enaapined, ji-ozhichigaade-gin mashkikiwan ge-onji-giigeng.de diagnostic, des vaccins et des traitements.



MINO-AYAAWIN JI-NAAGAJICHIGAADeg

Wiindamawaawag aaniin ge-izhichigewaad ji-bimaaji'idizowaad igi aakoziwigamigong mashkikiwigamigong gaa-anokiiwaad, gaye gaa-anokii'iwewad, gaye gikino'amaadiiwiga-migong gaye dazhiikewining gaawiin ji-onji-aazhoo'idizosigwaa awiyag – ji-giziininjiwaad bizhishig, onagwayawaang ji-izhi-ososodamowaad, gaye ji-nishikewabiwaad aakoziwaad inendamowaad gaye waawaasa ji-onji-ganoonindiwaad.



MINO-AYAAWIN BAMI'IEWEWIN NEPEMIIWIN

Daa-aabajichigaadewan ini aagwiingwaan gaa-gigishkamowaad mashkikiwininiwag, bakaan dino aagwiingwaan, mashkikiwan gaye mashkikiwining gaa-anokiiwaad miziwe Ganada Akiing.



WIINDAMAAGEWIN GAYE DIBAAJIMOWIN

Ji-dibaajimong wiiba, gaye ge-debwemagak wiindamaagewin gaye gakina awiya ji-noondang iwe dibaajimowin ji-onji-bimaaji'-idizowaad Gaanada Akiing gaa-ayaawaad odinawemaaganiwaa' gaye odazhiikewiniwaa gaye gaa-dananokiiwaad.



MINO-AYAAWIN BABAAMAADIZING

Wiinindwaa igi gaa-gii-babaamaadiziwaad gaa-aakoziwaad dash noongom gaye wiinda-mawindwaa gakina gaa-babaamaadiziwaad biindigewaad Gaanada Akiing bikish ji-ayaa-waad gaye gwayak ji-izhichigewaad giishpin maajii-aakoziimanji'owaad.

GIIYAABI WII-GIKENDAMAN WIINDAMAAGE-WIN OSHKI-AAKOZIWIN ONJI :

1-833-784-4397

@canada.ca/le-coronavirus

